

## **Vanredni izvještaj dnevnih događaja i pojava**

Izvještaj se odnosi na događaje u vremenskom periodu od 25.12.2024. godine od 16:00 sati do 25.12.2024. godine do 20:00 sati.

### **KLIZANJE TERENA, SNJEŽNE LAVINE I NANOSI (LP-4)**

Zbog visokog snijega i snježnih nanosa za saobraćaj su zatvoreni putni pravci Bosanski Petrovac-Ključ. Putni pravac Ključ – Sanski Most je prohodan.

Zbog sigurnosnih razloga tokom noći zatvoren će biti putni pravac Bihać-Bosanski Petrovac.

#### **Općina Ključ**

Općinski štab civilne zaštite općine Ključ donio je Odluku o proglašenju stanja prirodne nesreće od snijega i snježnih nanosa.

Na području MZ-e Velagići u toku dana vršeno je čišćenje lokalnih puteva. U ovoj MZ-i još uvijek su odsječena naselja: Nezići, Časatovići i Hasići i ova naselja su bez snabdijevanja električnom energijom i pitkom vodom.

U MZ-i Krasulje očišćen je dio lokalnih puteva, ali je i dalje bez snabdijevanja električnom energijom i pitkom vodom.

Naselja: Crljani, Velečevo i Dubočani su i dalje odsječeni i nemaju snabdijevanje električnom energijom i pitkom vodom.

Prestanak snabdijevanja pitkom vodom u navedenim naseljima je uzrokovan prekidom snabdijevanja električnom energijom pumpi za vodu.

#### **Općina Bosanski Petrovac**

Općinski štab civilne zaštite općine Bosanski Petrovac donio je Odluku o proglašenju stanja prirodne nesreće (visok snijeg i snježni nanosi).

Službe koje rade na čišćenju lokalnih puteva vrše čišćenje prema naseljima: Smoljana, Bjelaj i Kapljuh i očekuje se da će u toku noći do voh naselja lokalni putevi biti prohodni.

Naselje Kolunić je i dalje odsječeno i na području ovog naselja snabdijevanje električnom energijom i pitkom vodom je uredno.

Lokalni put Vrtoče-Krnjeuša je i dalje neprohodan. Do naselja Krnjeuša se može doći regionalnim putem R 14.2. Bosanski Petrovac –Vrtoče koji je prohodan.

Vodosnabdijevanje na području cijele općine Bosanski Petrovac je zadovoljavajuće.

Bez električne energije su naselja koja se snabdijevaju sa dalekovoda Bosanski Petrovac-Vrtoče- Orašac-Kulen Vakuf.